

Nowe awto wobornikam pozdžišo

Worklecy (aha/SN). Wjele wjesela mějachu njedzeli hosćo wjesneho swjedženja na idyliskej kupje Worklečanskeho wjesneho hata. Něhdže 40 dźěci srjedźneje a wulkeje skupiny pěstowarnje „K wódnemu mužej“ předstaji připóznačahódny pothodžinski serbsko-němski kulturny program. Zaběrajo so w kubłanišću tuchwilu z projektom „burski statok“ su kubłarki z nimi swój program na to wusměřili. Ze sylnym přikleskom mytowachu přihladowarjo přinošk předšulskich dźěci, štož bě tež připóznače za pěstowarki Moniku Lejnartowu, Katju Rawerowu a Marju Budarjowu.

Hižo zazběh třidnjowskeho swjedženja pjatk nawječor wopokaza so znowa jako přiwabliwy. Wubědžowanje wosom wohnjowobornych mustwow w hašenju měješe team sudnikow, na čole z Pětrom Šořtu z Hórkow, wot Worklečanskich hosćicelow za derje přihotowany. Kameradojo dyrbjachu tři B-hadźicy a dvě C-hadźicy po dołhosći 95 metrow wu-

klasć. Na to mějachu přez 50 milimetrow šěroku dźěrku woda pryskać, zo bychu dźesaćlitrskje sudobjo pjelnili. Jako najwuspěšniši wopokazachu so Hórcanscy wobornicy před hosćicelow z Workleč a wohnjowobornym młodžinskim mustwom Ralbicy-Róžant. Zapóslanc Sakskeho krajneho sejma Alojs Mikławšk (CDU) přepoda dobyčerjam swój sponserowany pokal.

Po sobotnych rejach bě njedzelný program přewažnje dźěćacej zabawje wěnowany. Jěchanje na ponyjach, paslenska dróha, pospytanje w pryskanju z wodu, skakanski hród a sobujězdženje z wohnjowobornym awtom po wsy bě pjeracham rjane dožiwjenje.

Nawoda Worklečanskeje wobory Bosćij Riedel bě z wotběhom spokojom. Runja mnohim wopytowarjam wšak wón wobzarowaše, zo njebě dóšło k přepodaću dołho wočakowaneho noweho wohnjowoborneho awta. Hišće w tymle měsacu pak chcedža to nachwatać.



Dorostowe wohnjowoborne mustwo gmejny Ralbicy-Róžant docpě na wubědžowanju we Worklečach keđžbyhódne 3. městno. Foto: aha